



Briavan von Vorsitzar von 29 prachant 2023

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
21	Änemmen di delibera vodar provintziàl Djunta n. 603 vt. 06 abrèl 2023 boda auzmacht di kitedje bia zo macha zaln di sotziàl haus dianst drinn in “sektór laüt bohintart” un vornaügarn di mittarbat akòrd gemacht pinn sèlln boda soin akreditart.	1. Zo nemma å di delibera vodr provintziàl Djunta n. 603 vt. 06 abrèl 2023 boda khütt “Approvazione del documento di applicazione dei criteri per la determinazione del costo dei servizi socio-assistenziali residenziali e semiresidenziali ricompresi nell’”area persone con disabilità”; 2. Zo nemma å di naüing prais asó azpe da iz auzgemacht in “matrice delle combinazioni di retta” – khlupp 2 vodar delibera vodar provintziàl Djunta n. 603 vt. 06 abrèl 2023 asó azpe da khint khött aftn pellare punkt 1.; 3. Zo halta kunt von naüge sistèm von khostgèlt åhevante lai von 1° von höbiat 2023; 4. Zo khöda ke di hausdianst boda soin zuargètt in laüt bohintart dar sistèm von khostgèlt khint geschètzt vor aniaglaz mentsch sèlbart un iz geroatet atz zboa stèpfln (stèpfl halbemaz un stèpfl vollmaz), stèpfln geschètzt haltante kunt vodar roatordnung SIS gegrundet

		aftn zoagar standard (vodar sektziong 1) zo darkhenna baz 'z mochte khemmen gezalt vor aniaglaz gekhreschart afte retta base; 5. Zo nemma å ke dar näüge sistèm von khostgèlt zo mocha zaln lekk vür zo khreschra bazta mocht khemmen gezalt azpe base vor di sektziongen 3A “Mångl vor di gesunthait” un 3B “Mångl vor bia ma lebet” vodar skèda SIS, boda mang soin gesichart lai azta dise arbatn khemen vürgetrakk vo struktùrn akreditàrt boda soin guat zo machase; 6. Zo khöda ke dar roatordnung ågenump pittar determina von vorbörtlich von Sotzial Dianst von Toalkamòu n. 71 dd. 29 kristmånat 2022, khint vorlengart sin atz 31 kristmånat 2024 asó khintz z'soina möglich aztase innschraim no åntre emtar von draite sektor boda hãm alle di rècht zo magaz tüan; 7. Zo bèksla in artìkl 5 “Geltkhost bia z'zala un bia zo macha fatura” von konventziongen untarschribet pinn etmar akreditàrt, boda nåstian in benützar boda hãm soin vonsitz afte Hoachebene, legante vür in näüge sistèm von prais z'zala; 8. Zo bèksla in artìkl 2 “Lenge vodar Konventziong” von konventziongen untarschribet pinn emtar akreditàrt boda nåstian in benützar boda hãm soin vonsitz afte Hoachebene, khödante ke da näüge skadéntz bart soin atz 31/12/2024; 9. Zo macha bizzan in sèlln boden soin khent zuargètt di dianst zo macha bazta ågeat in näüng khostgèlt, boda bartn mochan khemmen ågenump schraibante, hërta azmase nèt hintarziaget; 10. Zo khöda ke vor bazta ågeat bia z'zala un bia zo faturara steatz allaz gelaicht azpe da iz geschribet in di knventziongen sa untarschribet; 11. Zo geba zuar in vorbörtlich von Sotzial Dianst zo macha alle di sèlln sachandarn, vor bazta ågeat in gèlt o, zoa azta dar näüge sistèm von gelkhost gea vür asó azpe da auzmacht disar provedimént;
--	--	---

